

00857



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

次
江
三
集
三



温州市图书馆

WENZHOU LIBRARY

歌宜室集序

昔人謂唐之後無詩非詩之道
獨盛於唐而亡於今也唐之人
率以是售一時文人墨士剗心
抉腎畢聚而攻之此中不精不
已碎之燕函粵鑄夫人而能爲



之也今之人不以是售而以其
學之餘者爲詩聲律比附焉已
矣韻色櫛比焉已矣故自

明興以來四大家以制義特聞
而詩文不少槩見嘉隆之季七
子以詩鳴而制蕘不無少遜豈

其才之不能兼抑亦功有不暇
及耶今乃得之吾友茂倩氏茂
倩十歲而工於詩二十而上槐
堂獻歲賦受知於郡伯劉公從
此聲名益噪諸生間余以舉子
業追隨鉛槧十餘年每拈一義

必服膺茂倩卽茂倩亦自喜謂
空羣之足何難一息千里不虞
今日猶屈首阜櫪間也讀禮之
暇哀集所爲古文辭若干帙以
示余其詩沖秀似鮑葩豔似謝
高逸似青蓮莊麗似右丞至讀

采金龍之來傷歌行埭謠風變
諸篇閔時卹物之意又與少陵
遣憂諸什同其悲慨矣若文半
爲代斲之筆而揣事摹情諧律
合度所謂東家之姝朱粉天成
長不可減短不可增也異哉茂

高子集序
三
倩技至此乎蓋茂倩天分高於
書無所不讀

國朝兵戎禮樂典故星緯之理
無不究與何无咎邵少文兩先
生爲詩友侯君霖項懋德劉玄
受諸先達爲文友楊木甫張叔

上兄弟爲酒友夕月晨花無非

受諸先達爲文友楊大南引亦
上兄弟爲酒友夕月晨花無非
詩料騷壇蕪圃狎主齊盟宜其
緯質綜文而極盡才人之致也
然以余觀于茂倩不獨古文辭
日工舉子業復益日進他日賦
鹿鳴而賡天保直以此爲嚆矢

耳又寧革二嘯歌一室已哉余
隱矣茂倩將嚮用不能復與剝
啄問竒字古之人有五十而始
爲詩者願介我於何邵二先生
之門其許之否


崇禎乙亥長至日社弟周應期

序

余少孤露年十六七輒能操筆
為詩歌刻燭累千餘言淋漓自
喜所稱畏友者則必婦之茂倩茂
倩髻髻負絕世之姿天堦夙成
時里中集為詩社茂倩間出一篇

奇怪輒驚人余每為之心折退然
自廢余既自傷士輒凜失職徒托
待酒洗腆以自豪適足取譏流俗
耳乃為書規切以抑茂情若謂居
今之世不從制科業以自媒即抱屈
宋淵雲之才棄以違世難矣以

書于止止齋中



温州市图书馆

WENZHOU LIBRARY

昔以才公守冬化寺百以爲慕仰

卷之三

2



温州府圖書館

WENZHOU LIBRARY

君之牙以將終托侍酒以為豪邪
且母氏在堂願非祿養無是以佐
太夫人歡茂倩景然悟即下帷覃
精時義而義輒工每試冠多士時
大梁劉以侍御史出守東甌雅
好士引矢為上賓政暇則賦待與

樂嗣清漳陳公寵禮尤異鼓延
入郡閭命二子北面受經時以爲
太夫人具刲臠若日有餘卦以十
五課經十三脩古文辭部使者與
郡守相有所撰造必得君言而後
循善民屢賦棘圍輒報罷今日

十

需貢澤宮駸々及矣乃哀其前
後所著詩古文將授駸氏函以示
余曰昔人有言蚤知窮達有命悔
不十年讀書使我不死窮年作
老博士庸詎知不與子齊軫且駢角
逐中原以割千秋之聲乎子曩覓

我之能受子之規而亦能讐言子之

規今所就止尔子幸为我序之余

卒業樂府渾質清適上邈漢

魏以逮六季間紀時事綜以古辭

居然太上風謠古選整栗清蔚出

入黃初永微之際純如也歌行近

體真豪蕩奔奔故高華巨無色句明

體豪蕩奔放高華鉅麗絕句翻
翩風致置之青蓮江寧未易甲
乙古賦則潘陸之亞雜著取材既
博摛藻特精固已苞括衆美勿
追亦者之奧已余精日銷已所著
不逮茂倩遠甚則且然自廢如及

也頃

今上闕門攬傷超格用人君抱素

蘊入對

大廷金馬石渠之烈若取諸寄昔


多孫弘以晚晚遇主身却卿相矧天

年力方法持梁嚮肥茲甚時也若

照則奈清時於古人之前後之宜矣

然則余請附於古人家交之誼矣
將無脫粟以餽故人耶茂倩為鞭
然遂錄其語以為引

祛弟何白具草





溫州市圖書館

WENZHOU LIBRARY

歌宜室集序

國家以徑義取士士守功令惟
謹不敢稍溢繩墨誰暇過問古
文辭哉吾及茂倩多負異姿採
觚滌翰宛爾先民韻致頗不勝
逢年之想益肆力經義輒冠及

士彀聞鶴起幾脫穎而中留李
衛尉不戾殆非猿臂之羣矣繇
是當路諸公廉知其才咸器重
之時偕代斲今集中所存語必
衷法文無掩情秀拔調逸風華
照暎望而知其爲名流至如有

韻之言余尤珍焉慨自風雅途
開雄材雋品蚤登仕版順風漁
獵譁然名立下而山林畸逸恣
意無拘揣摩投合往々驚坐獨
諸生循々咫尺意不獲展舒林
無所馳騁即涉其流而不遑邈

其委習其常而不及窮其變益
左畫方右畫圓雖敏手且不给
而茂倩不然鼓叻弄筆盡態極
妍山珍海錯能使殺丞退席歎
翼冰絲頓令藻米無充適知制
科訓詁不足束英傑之儔室其

矯々羣偶中而以古道自命也
余於茂倩禮先壹節恒弟遇之
至較文角祇不得以兄奉之
矣余負狂癡早謝帖括迄無所
就以茂倩之才終致青雲黼黻
當代茲集一出岷々洋々子期不

之眎余妄覲後世作虞仲翔歎
蓋霄壤矣乃縲以序見屬知非
有晏何足重輕敢引片言以終
識者 社弟邵建章少文撰



歐宜室集卷之一

永嘉柯榮茂倩父著

樂府

烏夜啼

繫歡紫騮馬、脫歡白玉鞭、飲歡金屈卮、爲歡歌
采蓮、采蓮聲未住、林烏啼拂曙、舉鞭逐啼烏、起
歡紫騮去。

飲馬長城窟行

長風萬里捲胡沙、此際征人齊憶家、邊馬酸嘶

飲城窟紅絲尾拂連錢花銅焦畫戟蕭關道荒
涼八月無青草戍婦愁多夜轉長征夫衣薄秋
偏早昨夜西風度晉陽千家亂杵擣衣裳何處
清笳吹漢月何人殘甲卧胡霜人世爭如離別
苦離別爭如關塞長關塞茫茫宵何許薊門一
去百千里乍聞虜騎伏陰山又報胡兵渡遼水
朝朝飲馬長城傍却令未戰心先死昔年朝議
結和親橐弓卧鼓淨邊塵白狼幾載無周貢銅
虎連年出漢軍城北城南陳雲結銀鎧生寒畫

飛雲邊亭百戰兵未休斜陽落雁歸心絕當時

虎連年出漢軍城北城南陳雲結銀鏡生寒
飛雪邊亭百戰兵未休斜陽落雁歸心絕當時
壯士半生還戰場鬼哭霜滿天君不見武皇頻
出塞長城窟作流淚泉

銅雀臺

魏武營西陵高築歌舞臺歌舞自朝夕君王安
在哉人世興亡有天數何況紅顏等朝露西陵
既起臺亦空滿地荆榛走狐兔

采金

四首

采金使者下長安獸錦爲袍琥珀冠檄到烟邨

鷄犬散下田水溢上田乾

丘山久積水衡錢空裂丹泥鑿紫泉縱得銅山
歸內府其如金帛日輸邊

驛騎星馳急內差山靈夜哭走狐豺可憐不識
金銀氣到處還開石槨骸

虛傳金穴剖靈山嘯聚萑蒲擁漢關惟祝皇天
愛明主早教銀甕出人間

采蓮曲

三首

蓮花復蓮花采采淚盈襟花希覺秋節容謝知

蓮花復蓮花采采淚盈襟花希覺秋節容謝

郎心

郎心不可知看取花上露露珠無定時郎心恐
非故

非故郎自知儂心豈時改花落蓮實存郎來尚
堪采

陌上歌

陌頭少女如花色輕衫短袂嬌無力深閨春恨
難自持鳴珮搖環踏香陌薄扇離離半靨藏含
情歆倚垂楊側紫馬誰家游冶郎流盼盈盈不

相識擬將裏曲吐郎前欲行不行心自憐妾家
美酒逾新豐妾家歌舞勝吳宮綺閣文窻瑋瑁
床翡翠帷翠幃羅春風願郎且下白玉鞍竝頭誓
結金芙蓉拋却長安陌上花欲折紅條那得逢

斷絕詞

斷絕復斷絕藕折絲不折阿儂一片心長照西
陵月

龍之來 十章

序曰龍之來志異也甌海國也龍之出

沒所也然未有通城邑者辛未仲秋龍

序曰龍之來志異也騶海國也龍之出
沒所也然未有遍城邑者辛未仲秋龍
起江中從城南度松臺山而去飛石拔
木壞女墻及民居數十處孕婦驚歿有
老農墜雲中甦而問之乃數里外人也
考之卜爲甲兵之象因志之

龍之來不躍不潛胡爲乎奔逐拔我墻屋

龍之來非淵非田胡爲乎城隅拔我室廬

龍之來白晝而昏飛塵兮噴沙人何以保其家

龍之來平地而谷飛石兮飄瓦人何以安其野

龍之來維風烈烈有山嵬嵬有木揭揭鳥不及
飛山傾木折

龍之來維風焯焯有舟汎汎有江盈盈颿不及
下舟覆江騰

龍之來不見其角雲如幄有瞞者翁從空而顛
目不能轉口不能言

龍之來不見其首震如吼有變者姝伏地而哭
病不得起穉不得育

龍之來乃考之卜厥象爲兵亂我江城我將安

亭

龍之來乃問之筮厥兆爲賊侵我海國我將安
適

妾薄命

廣陵有名姝娉婷始三五二年學一歌三年學
一舞歌能過行雲舞若輕飈舉千金作纏頭傾
身事君子不謂反覆間棄置如塵土生長在金
闈那識生離苦何如前村媪醜結復椎魯夫嬾
兩相將低頭淚如雨

埭工謠

四章

既井而田亦鑿而河何以注之有屹其坡胡爲
乎蠖完卒潰我啜

維河湜湜維江浩浩何以限之有倬其道胡爲
乎蛤房卒決我防

小者不戒厥禍乃大少者不圖厥憂將多大而
多而其何以治而

計畝而賦維埭之蠹計戶而役維埭之恤蠹而
恤而其何以休而

埭之壞也起于漁之捕蠖蛤者知小利

恤而其何以休而

埭之壞也起于漁之捕蠖蛤者知小利而不顧大害至使旋築旋潰費繁役苦汔無成功今議埭以衛田費從田出而役則取之里甲法非不善然而出納冒替侵漁其中者為埭之蠖穴蛤房滋多爾

傷歌行

壬申之秋為東甌被寇而作也

憶昔我生初

神宗方御天承平日已久不識

戈與鋌傳聞

世廟時列戍烽燧燔汪直啓妖

鬪倭夷相鈎纏興安城不守乘勝寇海墘積骨
橫白埜流血溢紅泉兵家忌深入衡行非萬全
海邦雖殘破倭亦無生旋以此獲安土庶幸瘡
痍痊恨無山公識撤備日高眠倉庫寡朽腐兵
甲希精堅怡堂慮每拙曲突計不先亡命時嘯
聚養寇誰之愆今日掠松門明日掠蛟川關門
檄數至不得聞市廛悲此黃華戍守禦戒不嚴
奄忽百千艘醜類亂騰騫奸民作老馬指顧歷
川原男女奔且泣阡陌紛駢闐望望城邑遠蹙

蹙力不前回頭顧吾盧烈焰已燁燁東甌環大

川原男女奔且泣，阡陌紛紛斷闕望。望望城邑遠，踣
踣力不前。回頭顧吾廬，烈焰已燁燁。東甌環大
海，巒岳亘滇沅。垌塹多著族，甲第長蟬聯。雕墻
旣肪折，飛甍亦雲連。十年治一第，轉盼成荒烟。
露布署僞命，號令何赫炎。自言軍興乏，徵發煩
戈船。百金可免死，完家金以千。錢穀與絮帛，絡
繹載道邊。富者哀撫膺，貧瘡丘壑填。及及孤城
勢，繫卵在朝昏。當事空錯愕，老革忝中權。古人
征戰詩，郭北與城南。如何逼國門，束手張空拳。
賴有海使君，忠憤吁長嘆。請兵出門去，英武赤

桓桓賊却三十里暫獲息橐鞬誰知壯飛議勇
退轍不延寇勢轉猖獗招集愈以蕃援兵四面
至向敵空迤遭父老相與悲追惟委寇年力憊
有楊侯口碑至今傳俱爲郡別駕公道多不然
方今廟堂上拊髀思才賢安得頗牧將守我東
南偏但願昇平世投筆歸桑田

埭兆 二章有序

既之有埭其來已久成廢之迹靡得而
詳矣惟父老所及見者一潰於嘉靖之

丁巳未暮而倭寇侵再潰於崇禎之辛

詳矣惟父老所及見者一潰於嘉靖時之

丁巳未朞而倭寇侵再潰於崇禎之辛
未未朞而海寇亂二百年內若期會然
抑何異也甌瀕大海水患寇警其憂孔
大因志之以為來茲先事之戒無日書
生之迂談也

埭何以始先民是築不能百五菴潰
止既潰

而谷外難乃仍不王不貢亂我江城

埭何以復先民是式不能百年復決而澤既決
而澤外寇又作不撫不勦亂我江郭

水經注卷之十一
八

前溪行

四首

綠酒碧玉甌不飲自含愁知郎千里志不爲紅

粉留脫我頭上釵爲郎買輕舟

昨日驛使來

輕舟復短檝不久當夾遠昨日驛使才見郎出

西關歸程幾千二刻刻在指間

未明理雲鬟著我紫羅襦整衣出華堂傳呼勅

中厨毋令備不預歸客在須臾望望白日落含

淚向金閨

佳期杳何許翻懷長恨端京華輕薄兒燕趙多

令顏誰昔盟且且謀非郎所歡生增道路阻願

佳期杳何許翻懷長恨端京華輕薄兒燕趙多
令顏誰昔盟旦旦諒非郎所歡生增道路阻願
托雙風翰

行路難 五首

游子且莫發爲歌行路難少者嗷兮老者嘆
孟門去當何道康莊大道虎豹九關吁嗟
乎行路難

旣期叩兮盍簪復要之兮彈冠謂之何哉兮
長地久不能歲寒吁嗟乎行路難

旣酌爾兮匏尊復酬之兮盤飧今胡爲兮金盤

玉筯不能解顏吁嗟乎行路難

既傾蓋兮周旋復班荆兮盤桓今胡爲兮曲拳
擊跪不敢交歡吁嗟乎行路難

擅車脂轄兮行不能前曲房與室兮寢不能安

乃侍詹尹兮指上梓患叶吁嗟乎行路難

相逢行

五都競聲利冠蓋相周旋開我白玉堂張我璫
瑁筵楚姬紫玉遂趙女朱絲絃延年爲按曲易
牙具豐鮮主人出蕭客賓從紛駢闐金張旣竝

繼田寶亦齊軒逢逢擊鼙鼓列坐何赫熒侍史

牙具豐豆鮮主人出肅客賓從紛紛駢闐金張饒並
轡田竇亦齊軒逢逢擊鼉鼓列坐何赫烜待史
倦行炙中夜華鐙然寒暄各自媚一言奉殊恩
豈無布衣士折節義所敦從來劉屈氂不列東
閣賢側階揖馭明虛左迎夷門何必華裾貴然

後展慇懃



温州市图书馆

WENZHOU LIBRARY

贈

下

豈無亦示士世儼美而博發來隱且學不同

於齊矣中交華登然寒也本自賦一書

晉田實亦復博發致學也

歌宜室集卷之二

永嘉柯榮茂倩父著

五言古詩

贈張生顯卿

震鳥自南來。巢足共柯榦。一摧垂天翅。一戢凌
風翰。非同鷄鶩棲。且作鸞鳳窟。所志在遐舉。長
鳴徹昏旦。我居東榮下。子居北垣畔。蕭然四壁
虛。傷哉徒扼腕。試將梁父吟。賡子南山嘆。千古
心自知。流俗非所患。願言駕長風。聯翩薄雲漢。

侯君霖招飲舟中贈梅姬

吳姬何楚楚。美珠綠水涯。綽約復多情。沉吟揚
脩蛾。凌波擢寶縹。香汗滾輕羅。今夕良宴會。爲
我舞陽阿。荇帶逐丹舫。白鳥掠青莎。衝風動木
末。中流理清歌。切切訴衷腸。一何多。娟娟
二八時。顏色美且都。芳華忽非故。佳期屢蹉跎。
慘惻感此言。振袂起婆娑。達人秉燭遊。誰云歲
月賒。逸爵愜忻賞。莫惜朱顏酡。羲和無停晷。馮
夷無廻波。槿花豈不榮。不义當如何。

題項季輿先生新開山阿石壁

歷彼南湖陰卉木一何盛
葱蘢沒行踪嶮嶮闕
奇勝之子襄夙好尋幽獲靈境
鑿土出層岨開
林豁三徑策杖度脩薄
携觴憇飛磴酣卧憺忘
歸風泉激清聽耽此以終老
逍遙達至命北垞
留襄生東籬醉陶令豈無華屋安
懿此愜幽性
招尋有素交猿鶴驩相迎
眷言白雲期聊賦南

山詠

贈吳翁晉先生

二首

古道日以隕大雅不復覲曠世時一作辭林欽
領袞 昭代洵多才吳越彙奇秀延陵秉神賞
章韶憂清奏正始忽在茲盡洗新聲陋卓哉大
國風羣音一如鼓夙昔勞我思逮今始邂逅芳
桂諧共心猗蘭結同臭四海若比鄰茲言良不
繆

小子繩樞士避喧偃藜藿車馬何班班三徑空
寂莫諱窮非達觀亮節無隕穫夫子藉世胄素
心眷丘壑讀書不干時譚道足自樂皎皎在谷

心眷丘壑讀書不干時譚道足自樂皎皎在谷
駒悠悠橫空鶴夜誦高士篇千秋踵玄跡

附吳翁晉諱稼澄答歌

君不見建安七子起鄴中夜題華屋晝從戎
短兵長筆恣所向始覺吳蜀無英雄又不見
嘉隆七子名驟起才大歸王法歸李餘者碌
碌非我知且爲窮源談正始草昧先開高侍
郎北地旋登作者場信陽秀出廸功儁子業
於唐擬二張博南山人豈徒博出入濟梁恣
揮霍布衣一自有盧楠遂使巖廊無著作當

哥...
代論才才在茲柯生柯生慎勿疑如君駿發
一時少眼中何有今人詩今人師心心亦苦
師心安能不師古自昔神奇稱太白更復沉
雄推杜甫聲律兼收二子長古調上薄陳思
王辭場能事業已畢便可鞭撻驅吳郎吳郎
雄談尚未艾中林颯颯鳴天籟寂然歸存難
遽論請君神遊八極外

美人染指甲

嬌姿翻自媚何處不含情有時露纖手瓊枝如

嬌姿縱自媚何處不令情有時露纖手瓊枝如
花明英英拂菱鏡灼灼映調箏

同楊木父邵少文侯張之選之集劉長孫
芝房共賦鞠字

良會日以踈寒序日以蹙白雁客南土朱義舍
北陸風林積殘條霜叢擢餘鞠愴惻感蕭晨尋
好聊躑躅促膝瀝生平骭屨托醴醪車馬日麟
麟誰復能免俗處喧遊遠情卑物豁遐矚楊隱
襲楚綿邵雋握荆玉劉生踵先猶書詩方邵毅
侯氏雙南金機雲抗駢服榮素同所懷盟用歲

寒鴛鳳翎追鷺翔龍性狗夔伏嗣宗豈不達獨
抱窮途哭耳熱仰天歎我輩豈碌碌

廬山綠水潭

丹壁疲攀躋曳杖出深谷澗石莽豁訝跳珠自
相續百折注寒潭湘紋湛空綠愛此澄心神寧
論濯纓足夙昔探圖經但聞匡廬瀑茲潭何幽
深照膽豁塵目問是神龍居興雲翳林澳路窮
絕褰裳地嶮避飲犢來游今在淵因之理清曲

望松臺山

小是松臺下非以便杖履愛此朝夕間空翠翠落

卜居松臺下非以便杖履愛此朝夕間空翠落
筵几一室雖云陋對此良足喜如何比隣居飛
甍矗天起遂令咫尺間綿邈隔千里徒耽林壑
情寧覩丘樊美不斷松際風時復到塵耳好鳥
啣山花聯翩亦來止以此開心神空除聊徙倚
猶勝卧游者披圖安可擬

鄭孟鎬先生以二詩見示留酌齋頭因同
登東山訪雪師復酌觀書戴月而還和先

生作

窮巷聊賁跡，歛聞長者車。攬衣起相迎，投我雙
瓊琚。披誦何琅琅，涼颺襲前除。促膝見古誼，麤
糲出中厨。輟飲恣行游，躋磴穿林墟。師也遠飛
錫，肅穆此中居。詩篇兼墨妙，珍若維摩珠。此道
足不朽，曷復言空虛。坐深艸露繁，酒闌山月孤。
良會不可常，何惜清夜徂。

送鄭孟鎬還閩

頃自中川同孟鎬，別周拱一熊。含素歸
楚孟鎬亦有行色賦留別古詩并此奉

楚子孟錡亦有行色賦留別古詩并此卷

答

湛湛長江水青楓潏通津南北有岐路潮汐無
停辰嗟此遠行子聚散逐飛塵歸楚周與熊鄴
返芋江瀕鄉國各千里羈客心煩寃分風泝遠
棹流水激離絃讀書愛知己四海若比隣况乃
久周旋意氣同所親搯觚共點窟杯酒縱橫陳
如何旦夕間歛作商與參楚客已遑發夫子行
且駿惻惻結裏腸去去難具論耿耿丈夫氣悠
悠世路人投杼不足异抱璞未見珍

孟錡曾被
誣得白

榮素良有時豈得永沉淪願子但自愛又要慎
勿讓

墮鳥篇

余有去僕來報大風山鳥墮巢死感而
有作

大風終夜發山鳥何咬咬人也嗟毀室爾葦豈
安巢物生失所托何得辭漂搖爾乏鷄鶻智亦
無鴻鵠高雌雉集山梁榆枋鸞與蠅大小各有
分貪痴禍所招吾廬非夏屋棲燕毋相拋

分食痴禍所招五吾廬非夏屋幾燕母相拋
中秋杞里山樓對月與孫子幹再拈月字
旅懷愜清夜劇談何咄咄快彼炎威降挹此涼
颺發村釀非上尊愛弄空山月今夕影已團昨
宵光尚缺今昨日忽殊佳興良不竭高岑旣嶢
嶢長松亦揭揭莫待清陰移玄猿嘯巖窟一醉
各冥然披雲卧林樾

紀夢

萬物有銷沉不朽者文義一時秉孤尚千秋覓
玄契皁皁不足論哲匠表鴻製譬彼羣物中龍

唵與鳳喊入以據百家出以游六藝所以古聖
人觀天而察地作述良獨難識者亦不易涉海
卜斗杓迷途師老驥叮嚀慎所從此道無顛躓

譬彼以下八句夢與邵
少文論文作覺而足之

三世貞操篇爲林太史賦

東方來嘉鳥栖爾庭前栢栢也有貞心鳥也有
靈匹如彼媳與姑終身保家室三世喪所天淚
枯繼以血豈無比翼居茲義良不失嗣續有孤
雛筑筑方卵翼飲之以露漿噉之以練實採啜

甘苦辛翅鍛力復疾迨及口食時更嗟畜不卒

甘苦辛翅鍛力復疾迨及口食時更嗟畜不幸
十年羽翮成文明應時出五采合天章陸離耀
朝日歸昌播清響自中呂與律衆鳥豈不繁懿
此翥丹穴方今 聖明君姚姬誕明德矯翰銅
龍署鏘鏘金馬側厥羽用爲儀應懷阿母力熏
沐中斯草聊以表幽則

贈族融公說法

吾宗本莆中自宋遷茲土門閥非金張世系亦
云古可崇昔羽化

吾家有可崇者宋時脩煉青嶂山卽陶貞白故處碎穀尸

解禪觀得而父携而偕入山巢居構蓬戶行解
四十年面壁自觀我道力感殊類皈依見馴虎
獨挾曹溪秘遺詮沿鼻祖乃叅四瀆真永離三
業苦隻履忽飄然而今接其武祇樹蔭慈雲天
花承泐雨慨念南北宗微言棼縷縷揭此西來
意了脫無剩話登壇鬯妙義歡喜盡八部耿耿
一燈傳十方照何曾嗟余忝宗人儒脩媿愚魯
如彼頑石性問道詎能覩願乞生公言度幾力
可努

聽百舌鳴

欹枕亂殘夢有鳥鳴樹間聽之使心惻爾舌何
幡幡呼童驅之去急去歸林樊此中有危機巧
音自招患莫謂東徙者惡聲令人惡隴坻有好
鳥遠涉犯霜露翠羽漸條條得無能言誤人世
多網羅迅翮不敢度結舌足安棲庶無弋者慕

歌宜室集卷之三

永嘉柯榮茂倩父著

七言古詩上

龍秋瀑布歌

誰把天孫金剪刀剪來疋練懸曾霄百丈隨流
河河漢削壁巍巍挿天半闔水三巴朔雪消黃
河九曲春氷泮銀竦迴風散作烟珠離電布光
凌亂傾崖驚作怒濤聲迅雷送雨陰復晴陰晴
不測須臾變掩映寒光時隱見朝暉東射似飛

霞夕照西翻若奔電對之大笑訝奇絕萬壑冥
冥坐超忽呼酒且更酌醉卧澄潭風我欲老此
乘飛龍眼中之勝只如此何須別問匡廬峯

壽林松嶼隱君歌

枹谿流水碧如藍青山奕奕橫谿南錦石遊鱗
深不測何人遁跡臨江潭云是松嶼林處士自
來十葉窮山裏東有重岳嶸岷之大若西有金
波縈紆懸崖之赤水傳聞此處多仙子相去君
家不數里靈氣由來豈偶然脩眉碧眼生兒齒

少年手植幾株松虬龍偃蓋今如此瑞州然其

少年手植幾株松虬龍偃蓋今如此
瑤艸繁其根黃鶴巢其枝落落橫空聳千尺
憐君髯髯俱成絲避秦何代尋丹洞辭漢翻來採紫芝
繩床木榻對平野筍輦藜杖行相隨不入城闔幾十年
民風物態俱茫然有時倩人逞輸稅但自課兒來
種田綠蔭叢中藏翡翠碧紗窻外生雲烟
藝竹春鋤三畷地烹茶曉汲九溪泉客携綠綺
雲邊出獨供青精花下眠逍遙已愜生平願更有
諸子工詩篇詩篇伯叔不相下唱籌每際趨

庭暇山色冥冥宿雨時花香漠漠春江夜君家
令子世所希斑斕繞膝休婚嫁婚嫁休兮五岳
游左挾子晉右浮丘忽忘塵世三千盼直上蓬
瀛十二樓人生大夢只如是七十老翁何所求
春光欲半逢初度流霞滿酌揚清謳歌聲斷續
樂未艾迴飈松際何颼颼須臾散步酒欲罷胡
孫四嘯青山愁老翁原得長生秘山中大藥堪
千秋千秋已注仙人牘徒笑世間空碌碌乍覓
蘭橈一問津擬共松關聊卜築山南山北共翺

翔何羨鳴騶入空谷已焉哉有才不遇復何時

蕭統一問津擬共松關聊卜築山南山北共動
翔何羨鳴騶入空谷已焉哉有才不遇復何時
安能偃蹇走塵俗石磊磊水湯湯青山盤古人
羲皇隱君方詠淮南桂共托山中日月長

鑄劍齋歌爲歐羽明賦

昔我聞之歐冶鑄劍何其工赤山之錫若耶銅
五雲谿水晝濛濛飛簾擁爐驅豐隆鍊成三尺
光如虹陸離珠斗照寒空雄茫開合玉芙蓉鹿
盧熊銻迴青鋒星纏電掣鮫函中震鐸明月搖
璉瓏鷓鴣拂拭炎烟紅山格犀象波截鴻龍淵

墨陽聲價同我將睥睨凌崆峒公孫起舞揚迴
風阿藉學擅萬夫雄邯鄲較士何匆匆乍定塞
北窺關東男兒及早須成功君不見斗間靈寶
世莫容延平恍惚翻成龍

戲贈劉長孫歌兒

綺席繁花擁繡茵妖童欵立疑花神清歌一部
傳之秦中商刻羽飛梁塵流鶯巧弄嬌青春挑
鐙易曲調轉新低眉百媚口氤氳坐上老醜莫
効曠劉將軍慎勿使聞孫夫人中庭鏡以光如

銀

劉長孫齋頭逢陳行之歸自維喜爲之歌
陳生陳生爾何來一別三見芙蓉開道是維
天下之中去越八千里桂楫淼渡漢江水大隄
之勝近何如濮上之歌宛在耳濮上之歌歌且
驕遊子聞之魂暗銷掉頭乃自歸鄉縣飢渴思
君始相見可喜清尊君不辭可喜貧交君不厭
人情反覆似波瀾自古人悲行路難如君三載
倦游客依然短褐淒風寒風寒歸路逢秋晚環

堵荒涼白雲滿到處空傷南北岐逢人祇泣蒼
黃反任俠難酬國士恩耽詩不問家人產相向
裏情不能吐銀燭燐燐照肝膽肝膽相期意頗
多主人更進金叵羅君且飲我且歌世事悠悠
奈爾何

寶鏡行爲劉以吉賦

粲粲菱花秋月光曾隨繡閣照紅粧迴暎露華
拈蜨粉倒涵雲葉上鴉黃錦囊寶帶贈君去對
舞誰窺雙鳳凰鳳凰一別紅粧嬾獨宿蘭房羅

舞雩誰窺雙鳳凰鳳凰一別紅粧懶獨宿蘭房羅帶緩殷勤無使白頭吟一片清光入肝膽

送王季中游四明武林歌

春城一曲春光碧江樹迷離曉烟濕鷓鴣雙飛
遶樹鳴愁殺江頭送行客行客悠悠何所之金
鞭彩鷁春光遲賀監湖邊花似繡白公堤上柳
如絲自言五十婚嫁畢宇內名山任君覓去年
二月天台游洞口桃花春自流詩成不減興公
賦竒觀佳句俱千秋佳句如君古來少竒觀到
處堪傾倒綺陌香泥踏紫驢畫橋芳樹啼黃鳥

綠尊不乏杖頭錢青山更入囊中艸太玉洞前
花滿園湖南別業擬桃源花事欲闌主人去故
山鸞鶴空翩翻轉見池花長荷芰手持碧筒待
君至

異梅行

商飈乍度疏窻曉開簾試納秋光好瞥見梅花
暎粉墻芳韻迎人一何早世間萬物總化工春
花何以傲秋風中簇深紅外微綠細看不與梅
花同嗟哉物理今已變石湖花譜曾未見驛使

應猜朔雪姿官裝那識春風片滿斟卮酒醉看花

花同嗟哉物理今也變石湖花譜曾未見釋使
應猜朔雪姿宮裝那識春風片滿斟卮酒醉花
神舊時香態今時新踏遍羅浮無處覓聽殘羌
笛不堪陳笑予淪落風霜久誰信幽齋別有春
王昭粹舞劍傷趾戲贈

王郎王郎氣如虎生平好學公孫舞手提蓮鏢
神欲飛醉眼模糊傲千古阿藉小兒徒爾爲荆
吳豪客何須數虹光倒持剗其足滿壁淋漓潑
紅雨千金靈物寧誤人自昔周防君子身十年
拂拭不能用不如繡澀生埃塵男兒七尺不自

保知君劍術亦艸艸趙王好劍多殺傷匹夫之
勇抑何小造父知止乃稱良由基善息方爲巧
王郎學書復學劍三畧曾窺不知變葵能衛足
君不如莫使平原美人見

哭幼女行

少時孟浪稱達士不向中閨問兒子好言莊叟
齊彭殤動稱賈傅輕死生年來誤櫻妻子愁百
鍊剛爲繞指柔去年八月得一女慰情頗與陶
公似清揚想像類母顏指顧依稀解人語對酒

嬌調抱膝前消却窮愁爲憐汝遊魂忽逐東風

公似清揚想像類母顏指顏依稀解人語對酒
嬌調抱膝前消却窮愁爲憐汝遊魂忽逐東風
去生死如何等茵露嬾心愛女何太癡擁衾慟
哭鳥啼曙強起慰妻母過傷人生脩短此其常
言之未已雙淚落何但女子多柔腸始信周賈
俱妄作誰言達士能免俗應知天下父母心少
年莫厭世情惡

雙虬歌爲張叔相先生賦

容成洞口雙怪松青陰匝地藏琳宮實繁長薦
唐侯食枝古不受秦官封橫亘長岡翠如結月

隱深叢互明滅陰陰露濕搖清光落落風生奪
炎熱偃蓋中留玄鶴巢陳根內竄蒼鼠穴禮斗
壇空散作烟吹笙石冷飄爲雪當時政欲求梁
棟後凋不問霜華重翠鳳毛凝暮雨寒蒼龍甲
挾秋風動飛節寧同擁腫捐貞心甘作青黃用
張郎才大氣翩翩好騎雙虬飛上天有材不爲
廟廊貴安取山中艸木年

八研齋歌爲張歛予鴻臚賦

君不見君家茂先好聚書瑤函玉笈三十車墨

莊郭下昔稱盛充棟縹緗傾石渠又不見子雲

君不見君家茂先好聚書
函玉笈三十車墨

莊鄴下昔稱盛
充棟縹緗傾石渠
又不見子雲
片鍊草太玄
桓譚擊節千載傳
阿恭生平無長
物廣文三絕書
無箋張郎張郎能嗜古
未央銅爵俱塵土
齋頭佳研頗有餘
端岩歛谿名各殊
松麝香流銀不律
曾寫西天貝葉書
季真紫石未有此
却憶青蓮召見初
上苑春寒墨花凍
宮娥織玉爭來送
豪氣偏逢闈宦嗔
新詩不借昭容重
由來此物能弄人
百年那得窮其用
柱下文義止五千
四部七畧徒陳詮
挾策十二苦不

售兩京之賦空十年笑予斷駃拭欲破世上黃
金不買賦人生會合豈有時文章久卧南山霧
山東裂繻羨英妙菑川牧豕悲遲暮噫噓馮
君乞取龍尾石揮霍風雲生八翼

送陳君顓之燕并柬其尊公

而翁好走長安陌來往鄉園渾如客少小論交
十載前當時青鬢今應白有子解讀父書傳彩
筆縱橫誰不羨弱冠結束遊燕京眼中未識而
翁面壯志能令星斗寒悲歌忽訝風雲變憑凌

翁面壯志能令星斗寒悲歌忽訝風雲變
馮心法
俠骨雄千秋談笑徃徃輕公侯才高不肯學干
世自負文章多意氣燕昭臺上士如雲幾人伏
櫪名不聞孫陽莫遇空已矣耻受人間剪弟恩
把袂飲君一杯酒京國風塵那可久更爲殷勤
語而翁滄江釣徒堪白首

贈劉冠軍長孫出鎮三江歌

劉生英妙衆所羨腰間三尺魚文劍奕世簪纓
食國恩豹畧龍馱窺已遍意氣如君更誰比把
臂論交同甲子多君愛士不厭貧多君重諾能

輕死季布高義薄曾霄平原好俠徒豪舉生年
三十早登壇寶帶金鞍鵝尾冠勇士柳營時較
戰詞人蓮幕每邀驩忽戒星輶遠于役建纛張
油臨楚澤黃塵夾道起驪歌旌旆如烟焚絡繹
憶昔曹瞞破郢都順流便欲吞東吳百千樓櫓
橫江下周郎指顧恢雄圖雕戈畫戟沉白沙赤
壁火光蒸作霞年少英雄古來少大業未竟空
咨嗟劉生之官復此土眼底周郎何足數讀書
不減杜鎮南報國何如祭征虜努力乘時好策

勳銅柱燕然千載聞君不見環堵蕭蕭老總策

不減杜鎮南報國何如祭征虜方力乘時好景
勲銅柱燕然千載聞君不見環堵蕭蕭老縫掖
日守一經復何益

羅浮歌贈侯君霖守南海

羅浮朔雪春光遲嶺梅歷亂開繁枝射日含烟
香萬樹驛路迢迢從此去春鳥啼花馬上聞春
風弄影車前度嶺外風光此地殊盡戟遙臨海
一隅客從陸賈曾持節地自陶公舊剖符行矣
無負天朝命君家風流幾爲政文章名世先
大夫藩臬三朝錯相暎後來駿發才愈良少

年通籍生輝光水曹乍載郎官筆海國隨分刺
史章郡齋遙對三山月五嶺陽和散殘雪露冕
經行動詩思一枝更憶江南別

贈廣文吳興湯公歌

湯夫子自少吳興稱快士明光獻賦不見收
纍纍胸富經史竭來振鐸分講庭縠波半壁桃
花水江月寒生綠綺琴山雲暗宿烏皮凡夫子
到來春雨偏高齋教授傾昔賢談詩得許宴受
業有彭宣灼灼風流曠言笑蒔花酌酒如少年

庭花半非吾土有樽中長載烏程酒時聞醉後

庭花半非吾土有樽中長載烏程酒時聞醉後
托微吟每到花開集羣友不嫌苜蓿貧唯願松
筠壽君不見榮桑遨遊超然千載人何曾屑屑
長安折腰之五斗

松鶴齋詩壽王季中先生六十初度

愛君齋頭松盤拏幾千尺蒼蒼長作徂徠色清
響兼傳池上絃枯鱗欲變花間石伏苓春斲通
靈砂沆瀣朝來嗽瓊液下有芝田之白鳥雙飛
忽破橫雲碧齋中主人復何爲婆娑樹下愜閒

居有時調鶴晚留客趺坐清陰日著書生來宦
貴意何有西園公子誰能如今年六十春始旦
此夕何夕月將半梅墅烟融翠羽驕柳塘水漫
銀冰泮花香百和霧氤氳鐙景九微玉零亂主
人有酒琥珀光杏梁藻井白玉堂娛賓歌舞羅
諸伎卷幔樓臺領衆芳奏以緜嶺僊人之急管
薦以金母流霞之飛觴白鶴爲御松實嘗彩衣
翩翩雛鳳凰樂爾萬年壽無疆

游天池歌

朝度松光嶺夕望天池山衆嶂旣分擎千磴亦

朝度松光嶺夕望天池山衆嶂旣焚拏千磴亦
廻環夜火候岳隙昏磬迎雲端連陰不散鳥道
滑虎叫猿嗥隔林樾紫簫吹破天宇開跌坐空
階弄微月秋露熒熒滴作池晨霞奕奕粧成闕
西臨文殊臺怪石鬱崔巍東轟旃檀塔山勢何
紆回下盼茫茫九千里楚江吳岫空烟裏浮雲
萬頃白於綿動地寒風吹不起諸天變幻須臾
間清風泠泠雲亦還翠撲仙人掌青拖玉女鬟
莫言神奇只五岳總知靈境非人間方先生室

夫子廬山之勝有如此乞君池畔綠烟芽更烹
三疊銀河水

文殊臺晚眺歌

有序

丁巳季秋之望余與王欽夫宿天池時
積陰未解曉始霽山僧道之游聚仙亭
文殊臺塔院諸勝頗視白雲如積綿日
高稍稍散僧言此中多陰少晴晴則絕
無雲氣陰又咫尺不辨如是景不易見
也逾數日自三疊泉還阻雨再宿天池

次晡雨霽出步文殊臺白雲如前而細

也逾數日自三疊泉還阻雨再宿天池
次晡雨霽出步文殊臺白雲如前而
縕過之少頃日逼崦嵫與雲氣摩盪遍
地若百道虹光五色變現鳥啼其間不
知處所恍置身人天上矣僧亦言生來
見所未見相與絕倒遂賦此歌

文殊臺上天冥冥文殊臺下多白雲
遠山入雲
迤山出儵忽扶桑半銜日元氣迷漫
造化工蕩
目驚心狀非一野馬飛空蒸作霞玉
女欲散諸
天花大冶頰烟互吞吐羣仙捧出九
還火氍毹

歌集卷之三
繞地一鳥鳴似喚停鞭駐夸父噫嘻怪哉歌上
舞世間那識人天府我今與爾遊紫清手攬昭
回朝玉京三十六天信有徵

華壁山幽宅行

華亭之山如壁立絕頂千尋凌斗極十年種樹
高拂雲近傍西華羽人宅兩峰對等勢更奇似
借神工五丁力下有碧沙之浩浩清流之泌泌
遠岫二六臨其前阡術溝塍互第鬱何來梅翁
真地仙虎穴蟒林覓幽宅陳君苦塊伏幾年杖

頭不惜買牛眠端蔡別著心獨苦陟磴捫蘿屐

真地仙虎穴蟒林覓幽宅陳君苦塊代幾年杖

頭不惜買牛眠端蔡別著心獨苦陟磴捫蘿屐
屢穿一朝得之驚且嘆樂哉斯丘非偶然昔予
郊垞送丹旒潛斟滿酌澆秋草左眺北邙山右
矚西州道何似華壁形勢殊紫氣縹緲通海島
衆賓嘖嘖真佳城葬來一歲見瑞徵而翁長恨
孫枝少君今膝下雙麒麟是耶非耶山之靈君
不見君家太丘盛德高千古子能克家孫繩武

不見昔來太丘盤盤高千古
經緯之昏今烈不雙懸
長根非根山之靈
未實膏劑真卦越英來一
效良節澗而食及別
國國益神如華望
後神及長城散樓
與樂一博管之管
且莫樂楚慎
立非歸然昔子
西不計買中理
繼蔡陳著心
機苦訓
訓



如所 (印) 名 號

WENZHOU LIBRARY

歌宜室集卷之四

永嘉柯榮茂倩父著

七言古詩

下

澹齋歌爲項懋德使君賦

使君起家二十年長居一室東南偏過從日傾
北海客官俸差可供酒錢承人恩三爲二千石
節鉞提兵臨楚澤還珠郡舍曉風清載石歸舟
秋月白寂寥自礙子雲居湫隘誰憐晏嬰宅近
時卜築綺水傍周遭數晦橫曲塘別有齋頭頽

閒敞迤邐彳徑連迴廊彈碁池畔飛花滿擁
榻上來風涼今人華屋殊豪勢使君盤桓惟此
地自堪濠濮親禽魚何必東山鬪聲伎短牆檝
檝鳴檀欒半沼亭亭出荷芰人生適志只如此
取名澹齋應有意于今 朝廷思舊臣束帛
戔戔趣車騎祇當玉鉉垂勲名不是朱輪逐榮利
握手相期指素心抽毫爲作淡齋陰他年此地
懸車日拂石從君借綠陰

香霏室篇

客笑柯生柯生爾何意氣之牢騷酣歌仰眎秋
旻高有麟不潛四海有翮不搏九霄蕭然敞室
大幾許悲哉乎勺水之鯁鱠一枝之鷓鷯噫嗟
客言抑何卑人生大塊榮素有時任運者達爭
者癡昔家松臺下不遠桑與梓墻東誰是王君
公邨南那覓陶處士獨愛冰壺流濯魄且洗耳
富貴寧逼人托身終在此卜居於今二十年葛
巾破褐尙依然環堵已與他人共一丘一壑安
能專石室獨羨孫登隱竹徑空傳蔣詡賢乍築

幽齋僅如斗藥闌臨前書閣後此地原來有膠
緣冰壺溶溶遶其右數本花枝拂短牆十里江
山入虛牖長者可停車知音堪對酒豈無金谷
與平原一介之儒復何有噫嘻造化巧兮客何
愚勿云吾齋小天地總蘧廬祗應讀書談道足
千古安問華櫬與繩樞

送周汝烈之順昌兼稟張見一使君

江城二月花如綺萬井濛濛紫烟裏西東共住
城闔中朝夕過從我與爾忽來別我何所之劍

浦關河二千里津亭新柳綠如絲紫舟請爾聊

浦關河二千里津亭新柳綠如絲繫舟請爾聊
踟躕壚頭春酒竹葉香我爲君歌君莫辭人情
輕薄如流水肝膽論交竟誰是當年同學盡高
車念爾兀然居敝廬半百江田惟種秫一門儒
術止遺書世人營營逐聲利喜君踈慵無俗氣
世人徃徃趨炎涼喜君礧礧無他腸相向枯碁
不肯下掀髯大醉歌且狂爾今遠去殊寥寞一
局憑誰恣諧詭劍浦雙龍不可尋試問歸期已
搖落此地使君君故人片札遠迎意氣真風光

莫道故鄉好君行猶及河陽春

松栢圖歌

松臺之松高百尺何以匹之太谷之古栢雪榦
扶踈全入雲霜根槎牙半穿石此物悠悠不記
年古往今來如過客吳嫌一幅筆有神解衣盤
礴技絕倫中有養生者於我爲比鄰磊落復翫
黷世事如飛塵生來半百不虛過一日數斗羅
浮春今年二月君初度將圖爲壽索我賦爲問
畫者誰落筆頗知趣不畫芳叢畫枯樹樓前試

眺松臺山雙樹蒼蒼指顧間千年翠實何珊珊

詭者誰落筆頗知趣不盡芳叢盡枯樹樓前試
眺松臺山雙樹蒼蒼指顧間千年翠實何珊珊
君其食之長生久視如等閒

奉壽郡侯麻城周公歌

君侯家本神仙地邑名猶借麻姑異丹竈千秋
生紫烟玉簡芝函寶真契南城池連碧還素三
見滄桑疾於駛况復奇觀此降神橫江傾洞吞
天勢華胄巍巍冠三楚接武青箱表高第骨相
曾食日月華文章長挾風霜氣羣玉策府蟠心
胸落筆縱橫擬賓戲始信人間有歲星竭來海

上稱仙吏直節何妨傲世石一麾暫赴東方驛
君侯到來春滿城關門紫氣驩相迎分符百里
僅斗大下車三月歌昇平家家樂業復何似江
天浩蕩江風清此日何日逢初度海屋添籌不
知數寶鼎新飛九轉砂璫觴滿吸三危露此邦
洞天一十八太玉飛霞莽雲霧麻姑勝也將無
同山川盡入游仙賦紫陽玉室名已存軒帝華
胥夢初破他日功成問赤松眼底雙丸走烏兔

贈雪公行

雪公雪公 皇明之宗室鎮國將軍亦華秩棄
如敝屣向名山禪脩欲學維摩詰雄安磊砢憶
盛年千秋大業如眼前閣中長現然藜火邸內
時開設醴筵戚畹笙歌空雜沓侯家車馬徒駢
闐雪公對此心獨苦不愛朱門愛蓬戶七尺巍
然真丈夫去髮留髯傲今古惠休詩卷未足論
懷素艸書豈堪數忽聞片錫海上來赤日沉金
盡焦土安得玉壺冰清冷濯人腑前日讀公三
竺篇引宮刻羽朱絲絃昨示二詩泣武穆氣撼

珠斗聲摩天坐間咋舌訝竒絕

皇明宗室直

多賢莫鄙彫蟲技作者何戔戔恨才倒篋窺其
全請公良莪萬斛之積雪澆却炎荒火雲熱

壽王玉湖公

伊人秉高尚自號玉湖子榮也同里居共酌冰
壺水掃軌誰過處士門聚徒且隱先生几問公
春秋今幾何蒼髯龐眉吾老矣憶昔長君榮至
友擋胸蘩蘩蟠星斗懷中姓字不投人世上功
名堪唾手一朝化爲異物去寂寞知音我何有

今見次君亦不俗勝會時時共杯酒傲骨長雄

各堪唾手一朝化爲異物去寂寞知音我何有
今見次君亦不俗勝會時時共杯酒傲骨長雄
任俠腸高情更騁懸河口羨公有子俱達人西
河往事休沾巾梧桐孫枝復楚楚少年健筆誰
與倫朱明欲半公初度何以獻之竹葉春滿斟
太白祝公壽笑指庭畔雙松筠

戊辰海寇犯甬東時寓武林因憶胡少保
蕩寇事愴然有作

予本章句士夙昔覽皇圖 聖祖十載得天下
真人崛起千載無荆吳曩血胡元走金陵定鼎

奠九區防禦戒嚴重戶牖西北驕虜南倭奴
聖代承平日已久小醜間作隨授首以此中外
踈邊防百二重關唯樹柳債帥輿金結中守千
部丁男半衰朽犒士空悲灞上軍備胡那有雲
中守子丑攙搶亘海東女直一入遼陽空常侍
臨戎士氣歿羽書不報明光宮掖臣湯鑊臺臣
磔諛言日上征戰功於今 聖朝初御極賊臣
伏誅遼兵息倭奴無釁虜款關廊廟籌邊始遑
食忽聞艸寇何縱橫戰艦千艘屯海澤前日赫

沙堤今日掠昌國黃金抹額紅束腰搥鼓搖旂

食忽聞艸寇何縱橫戰艦千艘屯海澤前日林
沙埕今日掠昌國黃金抹額紅束腰搥鼓搖旗
蔽江日使兒飛報日四五中丞擁兵開帥府書
生安敢言從戎只愁濱海無安土敵勢斬人如
斬草我軍擒賊如擒虎戲下如多敢死人吁嗟
烏合何須數君不見世廟威名胡少保號令
如山平海島當今更望社稷臣一代旂常爲君
掃

岳山圖歌奉壽董

吾慕董夫子卜築東海濱
友懷義皇上落跡人

世間九十此初度爲君略

石巨靈移之東海側大不衡

華十洲之

島通地脉中有數晦化人宮
飈車羽輪自朝夕
徵君隱居枕此傍岳山
幽幽靈氣長三竿紅日
射窓牖萬頃滄波搖棟梁
彩衣庭前八龍半孫
枝灼灼俱琳瑯今夕何夕
歲將午雙鳥東來下
江浦琅菜瓊漿擗麟脯
馮夷擊鼓海若舞眠底
滄桑傲今古

安固廣福寺梅花歌

花走
人精

安固廣福寺梅花歌

蕭蕭歲云暮茲遊慘不樂計當梅發時尋
羣僕既無素豐宅亦鮮何遜閣出覓明上
舍聊寄宿開軒掃前除欣然見所欲何以給
園翻能得此木兩木原異處連蜷復盤曲初疑
鸞鳳戲相擾更似虬龍怒交觸一夜靈風報早
春數點彤雲射人目欲開未開最有情巡檐索
笑看不足風光相遇似有神苦銓何厭飛
經旬不忍別花去自訝情癡往還復爲語老僧
善護之莫任顛風嘆搖

奉別別駕梅公

人生有 須濟世無論 禮樂與兵農古來治亂

亦時有經文緯武將無同隋陸絳灌不兼有始

覺近代無英雄使君振迹名世後裂繻英妙誇

山東摩霄千仞凌赤鳳鞭風萬壑飛蒼龍莫道

雄才難小試屏篋丰采來甌封甌封斗大越海

涇號澤窺閔憂不細徃爭倭奴肆逆謀干今

竊無寧歲一朝寇入黃華關建牙吹角皆


千家煨燼光亘天萬井流離哭沸地都護

千家煨燼光巨天萬井流離哭沸地都護



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

